



## KENYATAAN AKHBAR KEMENTERIAN KESIHATAN MALAYSIA

### SITUASI SEMASA JANGKITAN PENYAKIT CORONAVIRUS 2019 (COVID-19) DAN BENCANA BANJIR DI MALAYSIA 23 DISEMBER 2021

#### 1. SITUASI SEMASA COVID-19

Kementerian Kesihatan Malaysia (KKM) ingin memaklumkan status terkini kes COVID-19 di Malaysia sehingga 23 Disember 2021 (jam 12:00 tengah hari);

- Kes sembuh : **4,998 kes** (2,652,585 kes kumulatif, 97.1%);
- Kes baharu : **3,510 kes** (2,731,713 kes kumulatif);
- Kes import : **95 kes** (80 warganegara; 15 bukan warganegara);
- Kes tempatan : **3,415 kes** [3,255 warganegara (95.3%); 160 bukan warganegara (4.7%)];
- Kes yang memerlukan rawatan di Unit Rawatan Rapi (ICU): **329 kes** (255 kes disahkan COVID-19; 74 kes disyaki, kemungkinan, dan kes dalam siasatan);

- Kes memerlukan bantuan pernafasan: **179 kes** (121 kes disahkan COVID-19; 58 kes disyaki, kemungkinan, dan kes dalam siasatan);
- Jumlah kluster : **6,094 kluster**;
- Jumlah kluster baharu : **6 kluster**;
- Jumlah kluster yang telah tamat : **5,863 kluster**; dan
- Jumlah kluster aktif : **231 kluster**.

Daripada **3,510 kes** harian yang dilaporkan pada hari ini;

- **59 kes (1.7 peratus)** adalah kategori 3, 4, dan 5; dan
- **3,451 kes (98.3 peratus)** lagi adalah terdiri daripada kategori 1 dan 2.

Perincian nilai RT mengikut negeri adalah seperti di Lampiran 1 yang disertakan bersama kenyataan media ini. Manakala, maklumat terperinci lain berkenaan situasi semasa jangkitan dan penularan COVID-19 di Malaysia akan dimuatnaik ke laman web COVIDNOW di <https://covidnow.moh.gov.my>. Data akan dikemaskini pada jam 12:00 tengah malam setiap hari.

**JADUAL 1: NILAI  $R_T$  MENGIKUT NEGERI  
BERDASARKAN KES YANG DILAPORKAN  
PADA 22 DISEMBER 2021**

<b>NEGERI</b>	<b>NILAI <math>R_T</math></b>
<b>TERENGGANU</b>	0.99
<b>JOHOR</b>	0.98
<b>WP KUALA LUMPUR</b>	0.95
<b>PERAK</b>	0.94
<b>PULAU PINANG</b>	0.93
<b>WP PUTRAJAYA</b>	0.93
<b>MELAKA</b>	0.92
<b>PAHANG</b>	0.91
<b>SELANGOR</b>	0.91
<b>NEGERI SEMBILAN</b>	0.90
<b>WP LABUAN</b>	0.89
<b>KELANTAN</b>	0.88
<b>PERLIS</b>	0.87
<b>KEDAH</b>	0.87
<b>SABAH</b>	0.83
<b>SARAWAK</b>	0.76
<b>MALAYSIA</b>	<b>0.91</b>

## 2. SITUASI SEMASA BENCANA BANJIR

Sehingga jam 3 petang 23 Disember 2021, KKM juga ingin memaklumkan:

- Jumlah Pusat Perpindahan Sementara (PPS) yang masih beroperasi : **384 PPS**;
- Jumlah negeri dilanda banjir : Tujuh (7) negeri iaitu Kelantan, Pahang, Selangor, Negeri Sembilan, Perak, WP Kuala Lumpur, dan Melaka;
- Jumlah keseluruhan mangsa terjejas banjir : **61,264 orang**;
- Kes positif COVID-19 dalam kalangan mangsa banjir : **390 kes**; dan
- Kes baharu positif COVID-19 dikesan di PPS : **Tiada**.

Pada 23 Disember 2021, sebanyak **180 kes** penyakit berjangkit yang dikesan dalam kalangan mangsa banjir. Bilangan kes yang dilaporkan adalah seperti dalam **Jadual 2**:

Penyakit Berjangkit	Bilangan Kes
Jangkitan Saluran Pernafasan Akut (ARI)	80
Penyakit Kulit	57
<i>Acute Gastroenteritis (AGE)</i>	42
Konjunktivitis	1
<b>Jumlah</b>	<b>180</b>

Jadual 2 : Pecahan kes penyakit berjangkit yang melibatkan mangsa banjir pada 23 Disember 2021

## **PERKEMBANGAN SEMASA KANAK-KANAK YANG DITEMUI LEMAH DI TAMAN SRI MUDA, SHAH ALAM**

KKM ingin memaklumkan bahawa seorang kanak-kanak berumur 1 tahun 11 bulan telah ditemui lemah di Taman Sri Muda, Shah Alam pada 22 Disember 2021. Kejadian bermula dengan abang (berumur 15 tahun) dan kakak (berumur 8 tahun) kepada kanak-kanak tersebut mengalami gejala muntah-muntah pada 21 Disember 2021 dan telah mendapatkan rawatan sebagai pesakit luar.

Pada 22 Disember 2021, kanak-kanak tersebut mulai muntah pada jam 8.30 malam, kemudian kelihatan letih dan kurang aktif. Ayahnya telah menghubungi 999 pada jam 10.00 malam untuk meminta bantuan kecemasan, seterusnya mereka sekeluarga telah dibawa ke klinik medan KKM di Taman Sri Muda pada jam

10.30 malam pada hari yang sama. Kanak-kanak tersebut kemudiannya dihantar ke Hospital Tengku Ampuan Rahimah (HTAR), Klang bagi rawatan susulan, manakala abang dan kakaknya diberi rawatan pesakit luar di klinik medan KKM dan dibenarkan pulang ke pangkuan keluarga.

Pada mulanya, kanak-kanak tersebut diletakkan di *triage* merah kerana mengalami dehidrasi 5%. Walau bagaimanapun, memandangkan bacaan utama tahap kesihatan secara keseluruhan adalah memuaskan, beliau kemudiannya telah dipindahkan ke Zon Kuning dan telah diberikan rawatan cecair intravena (IV). Disebabkan kanak-kanak tersebut menunjukkan respons yang positif dan semakin pulih, dia seterusnya diberikan rawatan lanjut sebagai pesakit dalam di wad kanak-kanak Kompleks Ibu dan Bayi (KRIBA) HTAR. Diagnosa definitif adalah *Acute Gastroenteritis (AGE) with 5% Dehydration*.

Hasil siasatan mendapati, kejadian AGE dalam keluarga ini berpunca daripada bahan mentah makanan yang rosak dan faktor kebersihan yang terjejas akibat banjir. KKM ingin memaklumkan bahawa tiada isu kelewatan respon kesihatan yang berlaku berkaitan isu ini.

## **NASIHAT KESIHATAN BERKAITAN PANDEMIK COVID-19 DAN BENCANA BANJIR**

KKM ingin menasihatkan orang ramai supaya:

1. **Memaklumkan status risiko COVID-19** kepada anggota penyelamat sekiranya disahkan positif COVID-19 atau dikenal pasti sebagai kontak rapat agar tindakan sewajarnya dapat diambil semasa proses pemindahan dan penyelamatan.
2. **Sentiasa patuh kepada SOP** dan amalan norma baharu semasa proses pemindahan dan sepanjang tempoh berada di PPS;
  - i. **Elakkan 3S:** (elakkan kawasan yang **sesak, sempit,** dan **sembang** dengan jarak yang dekat);
  - ii. **Amalkan 3W:** (Amalkan **Wash, Wear** dan **Warn**); dan
  - iii. Sentiasa memakai pelitup muka di kawasan awam yang tertutup. Pemakaian pelitup muka berganda adalah digalakkan.
3. **Elakkan dari berkumpul beramai-ramai** dalam kalangan mangsa banjir semasa berada di PPS.
4. **Memakai pelindung diri** semasa operasi memindahkan mangsa banjir dan sewaktu melakukan proses-proses pembersihan pasca banjir.
5. **Pastikan kebersihan diri terjaga** dengan segera membersihkan badan yang terkena air banjir dengan air

bersih dan amalkan mencuci tangan menggunakan cecair pembasmi kuman atau sabun terutamanya apabila pergi ke tempat menjadi gunasama seperti tandas.

6. **Elakkan diri daripada bermain atau meredah air banjir.**
7. **Sentiasa menjaga kebersihan kawasan PPS** untuk mengelakkan daripada penyakit bawaan vektor.
8. **Elakkan daripada minum air dan makan makanan yang sudah tercemar. Lihat, hidu dan rasa makanan sebelum memakan makanan bagi mengelakkan memakan makanan yang sudah basi.**
9. **Sekiranya bergejala, segera dapatkan rawatan** di klinik atau hospital yang berhampiran terutamanya bagi individu yang berisiko tinggi seperti warga emas, kanak-kanak, wanita hamil dan juga individu yang mempunyai komorbiditi.
10. **Petugas perubatan di semua fasiliti kesihatan perlu lebih berwaspada akan gejala-gejala penyakit** yang sering dikaitkan dengan kejadian banjir seperti yang disebutkan di atas, seterusnya melakukan pemeriksaan yang sepatutnya agar rawatan segera dapat diberikan.

KKM akan sentiasa memantau dan menjalankan aktiviti kawalan dan pencegahan sebaik-baiknya agar penyakit berjangkit akibat bencana banjir terutamanya COVID-19 dapat dibendung. Untuk



maklumat lebih lanjut dan kemaskini mengenai info bencana banjir, sila layari laman web:

<https://infobencanaikmv2.jkm.gov.my/portal/index>

Sekian, terima kasih.

**TAN SRI DATO' SERI DR. NOOR HISHAM ABDULLAH**  
**KETUA PENGARAH KESIHATAN MALAYSIA**

23 Disember 2021 @ 6:30 petang